




27192

Mag. Si. Dr. P

Coctandri: Lacrymar Thorunienses. 1725

~~27192~~



LACRYMÆ
THORUNIENSES,

QUEIS
INFELICISSIMA OMNIQUE CRV-
DELITATIS

GENERE CONFECTA CIVITAS
CRVENTAM CIVIVM
SVORVM MORTEM
ILLVDQVE FERINÆ IMMANITATIS

DIE VII DEC. A. MDCCXXIV

EDITVM EXEMPLVM

ACERBISSIME DEFLET,
AVTORE

COELANDRO.



Anno M DCC XXV.

THE UNIVERSITY OF CHICAGO
LIBRARY

BIBLIOTHECA
VNIV. MARELL.
CRAGOVENSIS

17192.T.



ORbem alloquimur,
& quotquot in eo estis, mortales,
non urbem, non provinciam,
non terræ partem,
sed quotquot mortali de genere vivitis,
humanitatisque sensum, quamdiu homines estis, nondum exuistis.
Id enim, quod nos tetigit, calamitatis fulmen,
non christiani, sed humani orbis,
expectat sententiam.

Audite ergo,
si homines estis, si calidus adhuc vobis utroque sub pectore
rotatur sanguis,
audite quæsumus,
nisi, quod immane factu est, & dictu turpe, imo nefandum,
esse putatis.

Homines sumus, humana quæ & aliis inest, mente præditi.
Non feræ, non bruta,
aut quæ hominum animantiumque rapinis
intenta sunt monstra.

Verum, quod amplius, & christiani sumus,
qui Christi, Dei, de nomine gerimus nomen



cum aliis idem,
Non inter feras vivimus, si physice æstimes, sed homines inter,
&, quod & hic notatu dignum,
inter christianos,
& nominis, & fidei, qua partem socios.
Nec subditi horum, sed socii sumus,
sacraque pariter atque civili libertate,
quæ dictamine rationis & regulis naturæ jam firmata est,
pacto insuper foedereque sarcita fruimur.
Non sanguinem fudimus, non foedifragi sumus, non læsimus Majestatis
culmen,
Non ciemus turbas, non alimus seditiones, non toleramus tumultus,
sed votis, verbis, legibus, minis, vi denique armata manaque
forti,
si quando fuerint exortæ, lites componimus.
Et tamen, quæ mortalis providentiæ conditio est,
hoc non obstante omni,
vel ringentibus nobis, oritur de fece vulgi tumultus.
Læsa pars in lædentem ruit, vim vi repellit;
sed se dum ipsam defendit,
modum forsân, non enim negamus, excedit.
Indigaamur, qui summæ rei præsumus, precamur, minitamur;
sed ante jam, quam hæc aurem furibundæ plebis
vel feriunt, vel vellicant,
crimen omne commissum est.
Eo tamen rei summa redit,
quod vim inferentes vi repellantur, fores eorum diffringantur.
Fenestræ lapidibus reddantur perviæ,
diripiuntur imagines, altaria, ornatus, forsân & sanctorum ossa,
religioso, aut superstizioso, si mavis, destinata
cultui,
parsque aceratur, pars asportatur, pars ignibus cedit.
Sed,
qui calamitatis nostræ fundus est,
Jesuitæ sunt,
quorum disturbantur idola,
Christianorum genus, sine christiana religione,

homines



homines humanitatis expertes,
Christianorum anthropophagi, hominum diaboli, diabolorum
archangeli,
chrestiani, quoniam religionem lucro metiuntur,
suasque ipsorum & aliorum animas vendunt,
quibus & conscientia, & religio, & anima, & grex, & Rex,
quid? ipse Christus, venalia sunt,
homines, in quibus, quodcunque tandem est principium mali,
expertum videtur,
quid in instrumentis malitiæ, versutiæ & stygiæ immanitatis,
Christianorum sanguinem sitientibus, producendis posset,
Deo exosi, hominibus infensi, bonis omnibus damnati,
quique nec amicis, nec inimicis, fidi sunt.
Hæretico enim non esse servandam fidem docent,
hocque ipso omnium pactorum foederumque vincula,
quantum penes illos est, solvunt,
sed & suæ religionis socios clam insectantur,
aliorumque monachorum ordines persequuntur,
&, quod mireris,
in principum suorum aulis dominantur atque ubivis
admittuntur secure,
cum tamen hi ne temporis quidem momentum ab eorum insidiis,
si minus eorum ex voto omnia gesserint,
tuti sint,
hominum monstrum, &, si mores spectes, insidiosum, fraudulentum,
vafrum & immane.
Conscientia non terretur, quoniam suo sibi probabilissimo consulit,
Juramenta non curat, reservationes enim mentales habet,
Foedera non servat, hæretico enim servandam fidem negat,
Peccata non pertimescit, cum philosophicum peccatum statuat,
hoc cucullatorum lupum, leonumque genus,
nec misericordia ducurtu, quoniam libidini, gulæ, veneri, honoribus
fortunisque tandem toti addicti sunt.
Inferiores premunt, hos enim pecudum loco habent,
æquales contempnunt, sibi enim solis placent,
superiores è medio tollunt, ne se superiores,
quos timeant, habeant.



Horum jam, exorto tumultu, nonnullis infertur injuria,
(Si id injuriam dicas, non, ubi innocens est, qui patitur,
sed ubi agendi jus non habet, qui insequitur)
Sede sua eorum exturbatur idolum, corripitur,
igni committitur.

Et ecce!

Divinæ humanæque Majestatis læsæ crimen lycophantæ interpretantur,
non nisi cruenta delinquentium pariter ac innocentium morte
expiandum,

quasi illa humani generis carcinomata,
illi humanarum divinarumque legum rifores,

Dei essent perpetui in terris vicarii,
aut imagines eorum, ad pessimam idololatriam comparatæ
divina, divinæque Majestatis æmula cimelia.

Sed & seditionem rebellionemque vocant,
quasi ipsi essent principum legati a latere,
cum latrones principum & parricidæ sint.

Quod autem calamitatem nostram auget
inter Polonos vivimus,

gentem superbam, asperam, crudelem & iracundam,
quæque melius vatibus, quam ducibus suis, paret,

hoc est,

magis Jesuitarum fraudibus, quam justissimi Regis voluntate,
regitur,

nobis autem nostræque fidei omnium maxime infensam.

Accusator ergo Jesuita est,

Delegatus Judex Jesuitarum mancipium:

Quid ergo de nobis factum sit, jam qui libet facile colliget.

Ubi enim, qui delinquit, jam ante delictum pro víctima habetur,
quandocumque modo vel levisima fuerit data occasio,
cruento offerenda theatro,

ubi, qui accusat lupus, &, qui judicat, tyrannus est,
quid ibi aliud, quam mulctæ, carceres, tormenta, neces, & hujus
quidem

crudelissima genera expectari potest?

Nec sic tamen nostram facile attingetis, mortales! conjectando
calamitatem.



Ubivis enim gentium plectitur, qui delinquit;
hic, qui nec causa, nec socius, nec occasio delicti fuit.

Rapitur enim hic,

ut sanguinolentus modo & Poloni, & Jesuitæ, restinguatur furor,
Magistratus, subditus, summus, imus, nocens, innocens,
atque horum major, quam illorum numerus,
& cum Jesuita sit, qui sine sanguine fuso læsus est,
cum imagines sint, quæ vulgi fuerunt expertæ rabiem,
parens & imperans adeo crudeliter excipitur,
ut animadverti severius in reos non potuisset,
si omnis Jesuitarum in partes esset laniata pecus.

Nec auditur hic & altera pars,

quod tamen jubet naturæ jus,

probat gentium moratiorum consensus,

si quidem non curat naturæ Jus nec Jesuita, nec Polonus,
ille Christianorum, hic gentium barbarus,

&, quod horrendum,

testis Jesuita est, ebrius & religione carens,

testis vulgus est, Jesuitæ artibus captus,

& qui ex parte, quæ facta sunt, nec vidit, nec præfens iisdem fuit,
hæcque omnia Jesuitico juramento, hoc est, nullo confirmat.

Rapit ergo

parcere nescia

Polonica Parca,

ex Magistratu Præsidem,

sed justum, probum, pium, canum & innocentem,

ex civibus vero fontes infontesque,

quotquot Jesuitæ dignos morte censent,

ebrii testes mortem meruisse confirmant,

cum tamen alter nunquam operi manum admoverit,

alter ne claustra quidem Jesuitarum unquam viderit.

Reliqui inter spem & metum ancipites hærent,
ut inter anthropophagos, quam Polonos, esse malint.

Sed Jesuita vitas,

miles fortunas eripit.

Hic enim tantum sibi rapiunt famelici crabrones,
ut, cum splendidis eorum splendida antea esset miseria,

jam,



jam, postquam in nostros irruunt favos, habeant,
de quo, nostra cum miseria, splendide vivant.
Nihil ergo relinquit immanis cum Jesuita Polonus
quam muros ædesque,
& ne has quidem,
& scholas enim, & templa, rapiunt,
& paupertatis sensum, mortisque metum, nobis solum relinquunt.

Vos ergo,
quotquot a christiana religione alienæ estis, gentes!
judicate, quæsumus,
num perpeffuri a vobis, hostibus, duriõra fuissetis,
quam perpeffi hic a fidei lociis & defensoribus sumus?
sed ratio in promptu est,
Jus connatum colitis, quod Jesuita spernit,
rationem amatis, quam Polonus nescit.
Quum Jus autem & ratio homines inter & bruta discernat,
cur serino dente nos Jesuita & Polonus laceret,
jam facile patet.

Orate ergo, gentes:
â Jesuita & Polono serva nos Domine!



BIBLIOTHECA
UNIV. CRAGOVENSIS

Biblioteka Jagiellońska



stdr0023909

